

# L'addurmintatu di vaddi

In un pratu di virdura,  
Ci canta una vadina  
Stu locu di natura  
Indu' l'arba smiraldina

Ci nasci è ribotta  
Chì quì mai ùn annotta  
L'assulia hè divina  
È ci n'hè à sciavina

Un ghjovanu suldatu  
Bucca aparta è capinudu  
In u criscionu bagnatu  
In stu tarrenu rudu

Ci hè un calmu priziosu  
Stu pratu hè diliziosu  
Strapunta virdulina  
Chì u sonniu induvina

I peda in a filetta  
Hè longa a so sunnata  
Zitiddina a so risetta  
Divina hè l'azzicata

T'avarà ancu u frischettu  
Fasceti issu ciuccettu  
Quì fala ugni raghju  
Di u soli infariatu

Smintichendu u curaghju  
Sarà ancu sbramatu  
Ùn s'hè mai divirtitu  
St'omu avà addulcitu

U so furori s'hè mossu

Li ferma a gioia addossu  
Ma tutti li profuma  
Di a machja incantata

L'udori a si sfuma  
Di a so annasata  
T'hà a so mani in pettu  
Incù dui baddi à daretu

*Svegliu d'Isula*